


Расууллоҳ соллаллоҳу алайҳи васалламнинг ҳаёт йўллари



11:30 / 12.10.2019 2140

363

Отаси йўқ онаси йўқ, етим бўлиб юрдилар,
Акаси йўқ укаси йўқ, ёлғиз бўзлаб юрдилар,
Уйлари йўқ мероси йўқ, турли жойда юрдилар,
Бу машаққат ҳаммасини, синов учун берди Аллоҳ.

364

Қўрқувлар йўқ ситамлар йўқ, лекин маюс юдилар,
Улғайган йўқ балоғат йўқ, карвон билан юрдилар,
Маблағи йўқ фойдаси йўқ, тажриба об юрдилар,
Турмушда не синов бўлса, навбат билан берди Аллоҳ.

Роҳати йўқ ороми йўқ, ғамга ботиб юрдилар,
 Емаги йўқ ичмаги йўқ, очликда кўп юрдилар,
 Ҳамроҳи йўқ дардкаши йўқ, тоғда ёлғиз юрдилар,
 Назарда кўп ёлғиз лекин, доим ҳамроҳ эди Аллоҳ.

Пуллари йўқ қуллари йўқ, лекин бойдек юрдилар,
 Нодонлик йўқ номардлик йўқ, шижоатлик юрдилар,
 Аскари йўқ бардори йўқ, қўмондондек юрдилар,
 Фариштадек аскарларни, қўриқлашга қўйди Аллоҳ.

Жоҳиллик йўқ қўполнлик йўқ, яхши хулқда юрдилар,
 Устозлар йўқ мураббий йўқ, шогирдлардек юрдилар,
 Илмлар йўқ саводлар йўқ, олимлардек юрдилар,
 Ҳаётнинг ҳар лаҳзасини, сабоқ қилиб берди Аллоҳ.

Қўйлари йўқ подаси йўқ, чўпон бўлиб юрдилар,
 Манманлик йўқ кибри ҳам йўқ, хизмат қилиб юрдилар,
 Боғлари йўқ сояси йўқ, доим салқин юрдилар,
 Бунга сабаб оз булатни, хизматига қўйди Аллоҳ.

Ноҳақлик йўқ юз хотир йўқ, ҳакам бўлиб юрдилар,
 Хиёнат йўқ разолат йўқ, одил бўлиб юрдилар,
 Ҳийласи йўқ ёлғони йўқ, Амин бўлиб юрдилар,

Етим ҳолда топиб қулин, содиқлардан қилди Аллох.

370

Нолиган йўқ хориган йўқ, рози бўлиб юрдилар,
Мудроғи йўқ чарчоғи йўқ, доим тетик юрдилар,
Ҳасадлар йўқ нафслар йўқ, ҳавас қилиб юрдилар,
Ёшлигидан қалбларини, поклаб қўйган эди Аллоҳ.

371

Ёвлари йўқ душмани йўқ, хўп севилиб юрдилар,
Шумлиги йўқ маккори йўқ, аҳдга содик юрдилар,
Гинаси йўқ адоват йўқ, табассум қиб юрдилар,
Чехраларин тўлин ойдан, зиёд қилиб қўйди Аллоҳ.

372

Исломи йўқ иймони йўқ, Аллоҳ бир деб юрдилар,
Тоати йўқ намози йўқ, Ҳақни севиб юрдилар,
Бахиллик йўқ ҳасислик йўқ, эҳсон қилиб юрдилар,
Ҳатто жоҳил даврида ҳам, Раҳматини берди Аллоҳ.

373

Сени етим ҳолда топиб, сўнгра жойлаб қўймадими? (Зуҳо сураси, 6-оят)

Сени ҳайрон ҳолда топиб, ҳидоятга йўймадими? (Зуҳо сураси, 7-оят)

Сени камбағалда топиб, сўнгра бой қилмадими? (Зуҳо сураси, 8-оят)

Хисоби йўқ неъматларни, чексиз бериб қўйди Аллоҳ.

374

Давом этсам аҳлоқларин, Худо ҳаққи сўз топилмас,

Қанча ёзсам шунча оздир, Росулимдан зўр топилмас,

Ошиқ бўлдим мендан ортиқ, муҳаббатли қўз топилмас,

Муҳаббатим сўзда эмас, жону дилдан бўлсин Аллоҳ.

Жиззах шаҳар «Имом Бухорий» жоме масжиди

имом ноиби Ҳалилов Умиджон Абдуҳаким хожи ўғли